





詩之為教其義風賦比興雅頌其旨與觀群怨其辭
 嘉美規誨戒刺其事經夫婦成孝敬厚人倫美教化
 移風俗其效至於動天地感鬼神惟蘊諸心也正斯
 百物盪於外而不遷發為歌詠無趨數敖辟燕濫之
 音故誦詩者必先論其人記曰寬而靜柔而正者宜
 歌頌廣大而靜疏達而信者宜歌大雅恭儉而好禮
 者宜歌小雅正直而靜廉而謙者宜歌風凡可受詩
 人之目者類皆溫柔敦厚而不愚者也詩三千篇孔
 子存其三百匪僅取其辭之工而已蓋必審論其人
 故小雅之材七十四大雅之材三十一自周召而下
 詩人之見於序者莫非君子疎遠及譚之大夫賤至

賦北集序

寺人孟子好惡一出於正其存者若是則所刪者非
 以其辭之未工去之殆考其人而去其詩者多也迨
 至陳靈以後是非之不公淆於視聽觀民風者於其
 所不當陳者陳之防邪之訓無聞而誣善之人日衆
 作為詩篇豈盡無工於古者特其人可有疵則惟有
 棄而勿錄焉爾此刪詩作春秋其義歸於一也錢塘
 高澹人工詩古文辭其所為詩未嘗蹈襲古人發諸
 性情而諧於律呂澹人君子也其遇也不為喜其抑
 於下位也不為怨心無斯須不和樂貌無斯須不莊
 敬宜其詩之動合乎古俾誦之者志意得廣焉澹人
 屬予為序予既慕澹人為入而又愛其詩序其詩益

重其人合乎記之所云可謂溫柔敦厚而不愚者已
康熙癸丑春秀水朱彝尊序

觀水必窮滄海方知百谷之王登山不上太行誰識
九州之脊自聞廣樂人間之鐘鼓無聲一入化城地
上之樓臺已陋然而霧中觀豹畧見嫵爛牖下窺龍
徒驚光怪檀林千樹不辨何香玉價連城莫名其寶
金膏水碧非火食所能嘗龍蠲麤裘語裸民而未喻
則河也又烏足知夫子之詩哉夫子大隱銅龍陸沈
金馬風神嶽立朝家實倚師臣文采瀾翻殿上偏呼
才子禁近深巖之地簪犀管以翱翔謨謀密勿之餘
簇麟衫而揮灑千番菱汁受 詔則筆不能休百幅
香皮進 御而文無加點高臺戲馬羽騎傳催小殿
停燈內人宣索思同箭激趨捷更甚於伏飛腕有神

來呼吸不容於彈指朝朝染翰一時會天上風雲字
字擣華幾卷誌死西日月比來羊傳新製角巾爾日
蜀公好披野服盜無祿米種菜何妨橐有賜金買山
已足某丘某水少日之所經遊不襪不巾舍者與之
爭席散誕於清泉茂樹昇輿自有門生流連於濁酒
老盆泥飲偶遭田父千堆蛾綠處處行窩一派鴉青
時時泛宅出則詩卷釣筒爲伴語帶烟霞典在筆牀
茶竈之間談惟風月假歸以後別自成編而此城北
一集者斷自甲辰迄乎丁巳斯時也吟成梁甫尚在
隆中歌出商聲纔離牛口緯蕭旅食何門可曳長裾
質廡攜家每日聊彈短劍程曉則怕親熱客甘蕭寂

以逃虛顏峻乃不喜要人恒羈孤而埋照只有堆牀積案細素離披何知夾巷交衢輪蹄頑秃悲來誰語摳衣上郭隗之臺與極能豪又手入慶卿之市督亢乃王霸縱橫之地能不慨慷滹沱亦英雄馳逐之場助其磊落逸情霞外與珠宮貝闕而爭高彩筆風前弔駿馬名姬之安在鈔來小稿半從破寺留題揮盡長箋或許名僧乞得詎墨痕猶濕而紙價旋騰有意毀藏無端輝赫歌樓絃索譜出香詞蠻布弓衣織成麗句不信竹竿之讖詩便終窮尚存葱肆之符文而遂貴徐摛之在鶴禁宮體爲多謝朓之直鳳池韻言特妙天星一紀人事千端綿歷升沈都爲卷袞且夫

關西鄴下何必同聲河外江南初非一骨而論甘者則忌辛好丹者則非素疲薊者掉成險怪姑好大言弇鄙者謬曰清疎趨歸空肚縱使膏脣拭舌不離坊曲之常談甚而戟口磨牙大類勃谿之能事師承譌種沿襲旁流由來舊矣吾夫子日月出而燭火銷光鐘呂鳴而瓦缶輟響運其鑪韜直奪化權不假鐫鑿自呈物態稜稜浩氣輓雷雷電之雄脉脉微文貫蝨雕猴之巧和清悲以長笛君山之猛獸俱號調擘緩於巢笙緜嶺之胎禽欲舞蜀江一碧文錦方新雒苑千紅嬌春未老明珠徑寸不足譬其光芒玉樹成叢詎可方斯美麗洵所謂凌顏轅謝吐沈舍任奴僕選

騷衙官屈宋者矣然或遊時漫興事過不留或醉裏
豪吟醒來輒忘狼藉小胥之手字脫篇離摒擋故籠
之中紙淪墨黜河與二三門館什伯撻探口誦心維
目營手校論衡獨得頗欲秘之帳中呂覽旣成不妨
懸之市上惜乎庾子山之束藁五失五存畧如王臨
海之編年一官一集云爾康熙庚午季夏受業顧圖
河百拜謹序

城北集目錄

第一卷

古今體詩共五十八首

乙巳二月起至丁未三月止

第二卷

古今體詩共六十二首

丁未四月起至巳酉六月止

第三卷

古今體詩共五十七首

巳酉七月起至庚戌十二月止

第四卷

古今體詩共七十一首

辛亥正月起至壬子十二月止

第五卷

古今體詩共五十八首

癸丑正月起至十二月止

城北集目錄

第六卷

古今體詩共五十一首

甲寅正月起至乙卯三月止

第七卷

古今體詩共五十首

乙卯四月起至丙辰十二月止

第八卷

古今體詩共四十七首

丁巳正月起至戊午正月止



城北集卷第一

古今體詩共五十八首

移家城北

江邨無恙白雲廬何事長安強曳裾招隱未能歸鹿柴謀身堪笑似鳩居牀頭新釀無多甕架上殘編剩幾車更載清風與明月夜深依舊伴繙書

又

兩版柴扉積蘚斑蒔花編竹恣疎頑坐誇潘岳城三面誰笑盧仝屋數間虛牖北開堪避暑矮墻西向不遮山多情紫燕偏尋主常傍湘簾挾子還

遊西山

城北集卷第一

馬首迎朝爽春風緩轡過古田行犂確老木臥盤陀澗落雪千尺僧歸雲一窩煙霞吾有癖吟望意如何

木蘭陀玉皇閣

仄徑盤迴上高牕絕頂開捲簾千嶂合倚壑萬松哀返照明金像輕陰護石苔誰知車馬地咫尺有蓬萊

山樓對月

玉匣重重展鏡遲穿林度嶺影參差鱸香半盞疎鐘斷坐到西峰欲落時

洪光寺盤道

古寺俯山腰老柏寺門列垂陰布綠天落子飛晴雪

錢唐

高士奇



一徑窅以深十步九旋折北虬螭橫陣蜿蜿出穴
攀磴屢次且捫蘿更蹶躡山僧笑語予濟勝毋廼怯
不聞蠶叢路層崖飛鳥接紆回百八盤行者嗟阨阻
况乃長安道嶮峻焉能說尺地涌狂瀾浮雲互變滅
羊腸對面生拔步愁傾跌而此區區者何足云陡絕
聞言輒神王幽尋忘飢渴長歌行路難歸隱不再決

香山

石梯遙望絕躋攀細靄輕煙拱碧鬢四面高松圍曲
折一條寒澗瀉淙潺樓臺縹緲生雲際鐘鼓微茫出
樹間却訪名藍增悵恨春來花鳥讓僧閒

閒居

城北集卷第一

二

背郭柴扉靜幽居澹世情半堦荒蘚合一榻亂書橫
邀月成賓主聽鳩驗雨晴翛然田野味誰道在王城

又

伏枕三春過當杯萬念除僧來披徑草客到剪園蔬
那復因人熱惟應愛我廬幽棲屏塵事敢嘆出無車

暮春入山淹留及夏卽事偶書

傑閣凌虛無層峰結坎坳高林見鸞停下界看鳥過
澗深時振響溪碧詎忍唾攀援足力輕曠望矚光大
樵斧間丁登鶯聲迭倡和風定遲午鐘日斜來晚課
清和天正佳游歷不辭羸曳杖白雲開理屐蒼苔破
時緣嶺背行或向溪頭臥蒼茫倚樹吟箕踞藉草坐

幽探遂忘疲興到誰能挫春秋
蛇赴壑日月蟻旋磨
忍負松雪期甘受風塵
澗山田倘許耕錢
罇親當荷
雨中過淨業寺看荷

僧舍無人滿綠苔
新荷一項雨中開
寺前多少衝泥
客誰爲看花趁曉來

又

綠房細葍看來慣
香色偏宜細雨中
從此得閒須數
到忍教紅粉墜西風

伏夜大雨

火雲燄燄爍天地
萬牛難挽羲和轡
冰間赤脚徒妄
想松下科頭亦左計
阪田高下一色黃
鳩形誰憫農

城北集卷第一

三

夫率皇天軫物意何周
睡龍鞭起百丈湫
玉女一笑光嗟齒
阿香擁轂無停輶
黑風捲地肌生粟
頓使盛夏成深秋
我時微醉將高臥
却愛新涼起還坐
檐間振響似瀑翻
堦前着點如拳大
初疑吳蠶朝食葉
樹頭樹底聲蕭屑
又疑塞馬夜還營
金鑲數萬相碎勻
此時炎歊歸何處
一枕黑甜消萬慮
預喜明朝緩轡
遊綠雲已滿平郊路

再雨

輕陰依舊護柴籬
滿院涼風雨脚垂
蓬戶何妨終日
掩匡牀那惜逐宵移
萍添水面官蛙聚
粉剝牆頭碧
蘚滋堪嘆無情是
團扇棄捐不待蚤秋時

立秋前一日聞促織聲

炎蒸猶未斂，促織太無端。
應念羈人苦，先秋遠道寒。
今宵燈燼暗，明日露華溥。
寂寞深閨裏，停梭悵夜闌。

新秋

袷衣初試愛新涼，河漢迢迢不可望。
樹倚晚風時撼，撼山含朝雨故蒼。
蒼那堪髣髴，雙轂且共登臨寄一觴。
欲賦悲秋還閣筆，砧聲斷續鴈成行。

雨懷

古砌寒菴語不休，孤燈夜聽雨聲稠。
飄搖世事如蓬轉，迢遞鄉心逐水流。
小院暗驚涼葉滿，淥波旋送敗荷秋。
依稀記得湖邊路，共采菱花泛釣舟。

九日對菊

城北集卷第一

四

木落千林鴈幾行，客中佳節又重陽。
黃花底事爭人瘦，寂寂東籬試晚香。

又

細把金英酒一杯，支筇懶復上高臺。
也知不少登臨興，爲恐鄉心入望來。

霜降後三日忽雪

北地寒生早，山雲澆墨濃。
才當青女候，已有玉妃從。
濁酒憑誰貴，棉裘隔歲縫。
千林彫落盡，相伴

只長松

韓昌黎詩從以黃玉妃

初冬再移居前巷

一椽曾卜城陰宅三徑重誅巷北茅浪跡畧同僧寄
鉢安棲全遜燕營巢除將短策無長物結得新鄰亦
故交最愛數弓閒地好晚菘早韭足寒庖

雪夜有感

孤館燈垂燼深宵漏下遲破衾寒似鍊急雪細于絲
客興回舟倦生涯閉戶宜家園梅欲發春意上南枝

雪中入西山

荒林撼撼曉風乾雪片蒙茸犯馬鞍高下凍雲埋草
樹冥濛陰霧失峰巒擁鑪暫借僧寮憩潑水渾忘衣
袂寒徙倚池邊時漸晚要看明月曬銀灘

清明後二日水邊閒步

城上集卷第一

五

把卷意不愜閒吟到水邊嫩黃籠弱柳新綠布平田
波淺漁人涉沙明野鷺眠結廬何日遂卽此便林泉
三月晦日病中書懷

柳欲成綿草作茵風光全讓冶游人茶鐺藥臼消殘
晝燕語鶯啼笑病身短榻圖書愁裏日故園櫻筍夢
中春晴牕強起裁詩句目送飛花濺泪頻

臥病有感

臥病苦沈寂翻書氣力微愁深狂態減貧甚客來稀
苔色侵茶竈風聲叩竹扉支離悲客袖世事每相違

雨宿西山

雨後山光倍鬱蔥時聞啼鳥隔林東春深煙靄迷僧

舍寺遠鐘聲遞晚風細草漸回橋畔綠新花爭發嶺
邊紅每探幽勝忘疎懶願結茆菴倚碧叢

思歸

肯將強項受人憐瓦枕繩牀野性便對客羞栽乞米
帖掩關惟誦養生篇一區河渚新梅墅二頃蘭亭舊
稻田生事算來歸去好分花種秫可移年

豐臺行

永定門外豐臺路家家畦塍種花樹泉甘土肥工力
勤藉花自足供朝暮但諳春多花信風未聞秋有田
租賦曉擔朦朧月暗隨街泥滑滑蜂爭赴一朶新花
換數緡兩株珍木輕綿布遇節逢時興倍多賣花得
錢向酒庫瓶盎提携帶笑歸綠樹陰中敷坐具藥苗
菊蓋煮可餐妻子欣欣話場圃朝裏升沈耳不聞人
間榮辱那曾顧高生高生從今學作賣花翁花開花
謝酣芳叢鬢鬢醉髮任覆面一生衣食隨天工

西山大覺寺

偶向招提作勝游白雲深處梵聲幽門前古柏經霜
老石罅新泉擁葉流藉草閒吟招野宿臨風高唱起
眠鷗依依竟日忘歸去峰頂斜陽勸客留

看城北荷花

波紋灑灑鏡奩明一片香風水面迎繡谷不須紅作
障霞宮真是碧爲城珠光蕩漾渾無定鈿暈闌珊別

有情驟雨乍過塵不起
蹋歌重唱採蓮行

雙寺

城陰雙寺迴一徑絕埃氛
梵語聲相和香燈影不分
垂楊籠曉雨高閣臥秋雲
暇日頻來往聽經到夕曛
鄰家古槐老幹婆婆夏月多蔭
因名所居爲

鄰樹軒

古槐千尺覆桑樞絕勝韋家
植路隅細葉含風秋蚤
到濃陰匝地暑全無分光肯
鑿東鄰壁閒坐如憑南
郭梧樹忘他人軒忘我一篇
齊物送朝晡

山行

綠樹濃陰合蟬聲次第聞
老農時作伴野馬自成羣

城北集卷第一

七

泉急常鳴雨峰高半入雲
坐來清興極吟嘯倚斜曛

秋興

拄頰山頭爽氣迎茅堂入夜
更凄清倦遊無意歌彈
欽壯志長懷託請纓樹裏
星河燈下暗鄰家碁枰月
中鳴風塵何處宜高臥且
莫逢人變姓名

秋夜懷友

對菊驚秋老東籬發浩歌
燕臺明月冷浙水夜潮多
意氣元相許文章自不磨
相思憑鴈字幽興近如何

懷江邨草堂寄粹生伯

斗酒世情疎蠟耕憶敝廬
鄉心千里外歸夢五更餘
茆屋臨秋水柴籬繞碧蔬
攜叩何日去生事寄樵漁

和李長吉十二月詞

正月

層冰抱樹鶯未歸
新煙着柳春較遲
姑射仙人綽約姿
穆穆素髻抽青絲
東風吹面不知冷
陽和到處開沈暝
梅花滿枝忍盡折
鴛鴦細綰同心結

二月

草綠大陽津
社燕知時解
傍人錦城花
藥天爲薰
千金不惜買
青春白日纔
高障紅塵髻
鬢疊襲生層雲
雙雙蛺蝶飛
上裙車騎紛
闐似流水深
閨不出誰無死

三月

城北集卷第一

桃花爛熳嬌深
春簾外風光總醉人
樂游園邊歌吹起
垂楊拂岸還沾水
咫尺情河隔萬里
長房不縮金微地
愁縈芳草忘深淺
蜂蝶尋煙知草暖
忽聽子規枝上啼
膩紅一片飛晴苑

四月

茂樹團欒如車蓋
雨餘積靄生檐外
博山沈水氣氤氳
黃鸝啼處恰當門
池萍蕩漾生綠漪
拂水游絲止更飛
看山有約莫參差

五月

珊瑚方照眼
艾虎亦懸門
暑滌蒲葵扇
涼生冰簟紋
荷芰到天青
菖蒲綠澗綠
冷冷山陰行
誰能肌不粟

六月

埽南軒蔭脩竹手撫朱絃弄寒玉如海紅塵暗不開
夸父逐日漫徘徊誤指咸池渴飲來

七月

絳河依樹直素魄抱城圓蟋蟀吟秋草梧桐落故園
寄衣千杵月問卜五銖錢帶緩容初減幃虛夢始寒
金飈知妾憾無語泪闌干

八月

對月頗爲客乘槎便作家芙蓉露下粉叢桂山中花
岸幘秋容正支筇野徑斜清光迴欲醉何用把青荷

九月

城北集卷第一

九

黃花岸岸明秋水寒蟬抱樹無聲死藍水迢迢尋地
脉霜鐘咽處露初白寒原一望無邊草落葉蕭蕭覆
官道朝來涼氣上玳瑁美人秋思屬梧桐

十月

北陸凝陰日南嶺蘭膏照夜憐不明膽餅留花護深
幕佳人慵起臨妝閣含思憶夢重一眠鴛鴦暖處亦
驚寒繞指除却雙金釧

十一月

積雪皚皚寒日光花結冰皮凍不芳帳底羊羔醉肥
酒滿堂歌舞爲君壽玉龍解甲風雲素千山萬嶺知
何處

十二月

關河草木清灑灑尋春多在梅花下荔枝竹葉送嚴寒南山白石醒長夜

閩月

日重光歲重時堯堦莫莢相爲推金烏玉兔過如飛暮四朝三忘疾遲三萬六千周甲子且命鬱儀爲頓繼

贈蒼林

雙樹婆娑不計年忘情身世總怡然囊多舊榻前賢字案有新刪近日編梅放古香頻入夢月留清照佐談禪京華莫道相逢晚瓢笠生涯是故緣

慈家塢

城北集卷第一

十

衆峰互向背初春尚寒冷餘雪凍未消陂陀殊娟靚絕壁俯淺溪清波漾山影一綫路紆折羸綱響難騁邨落依層崖東西別廬井炊煙出林梢朝陽照屋頂山農四五家柴門愛晴景一醉雪色酩酊然髮垂領

獅子巖

浮嵐暮峭岑斷崖橫瘦樹澗底咽寒泉林中亂綿羽小徑仄復危披榛屢迴顧陡壑難久留前岡得坦步偶行遇奇境停鞭獨延佇麥疇見晴綠荒祠訝怪塑邨夫無他能鑿山充朝暮丁丁斤斧鳴荒巖自生聚

獅子巖人家多以取標爲生

日晚投山家短籬荆棘護忽聞銅鈺喧虎

來聲可怖雖然土俗淳庠陋安可住

房山

亂山千萬疊青蒼看不已就下與升高馬行疲百里
寒林葉未生煙叢遞攢倚陽谷山桃枝迎暄露微蓋
縣城方斗大掩映山坳裏日仄陰半遮未午輒休市
土瘠鮮耕耘蓋藏藉梨柿今年春較遲惠風吹又止
晚煮赤豆飴新蔬摘椿背我非耽齒牙所樂在山水

次韻答蒼林

雪甕

蒼林禪
關名

深藏識者稀高標自與世相違貯來柿葉

書頽筆採得芙蓉製衲衣經卷藥鑪堪養拙水涯山

徑約忘機熒熒佛火供清話聽徹疎鐘每忘歸

又

城北集卷第一

十一

幼輿丘壑本多情席帽無端汗漫行帝里淹留三載
促故園歸去一舟輕每依杖錫忘身世便擬林巒變
姓名何日誅茆成小隱煙霞深處證無生

春暮雜咏

泥人天氣是清明破睡枝頭轉曉鶯簾幙日高深巷
靜賣錫聲間賣花聲

又

落盡千紅芍藥開鈿車簇隊到豐臺黃蜂紫蝶無情
緒暗逐香風入市來

又

誇腰風柳舞。嗟嗟。嫩白危紅。滿綠莎。却對芳菲成歎。
息一年春事已無多。

又

春流無恙漲桃花。記得輕橈泛若耶。細斫松枝烹活
火。銅瓶親淪雨前茶。

城北集卷第一終

城北集卷第二

錢塘 高 士奇

古今體詩共六十二首

丁未四月起至
巳酉六月止

夢湖草堂歌

西山隙地築草堂三楹藝蔬種樹小有佳處因
以夢湖名之既自爲記復作是歌

平生性僻耽山水家在西湖煙樹裏宜雨宜晴朝暮
殊澹妝濃抹誰能擬一從襍被來長安黃沙十丈隨
征鞍雪竇雲巖渺何處惟有歸夢依林巒偶向西山
支短策忽見荒園徧榛棘杏柰婆婆最可人櫻桃數
顆紅堪摘遂探寥豁窮哈呀蒙茸小徑親爬沙溪聲
潺湲樹影靜二間茅屋如廬蝸筆牀茶竈隨身備種
竹澆花那辭瘁庾信何妨賦小園王根不用誇高第
鄰家濁酒許頻沽醉後藤牀倚石鋪黃鸝百舌莫鳴
噪我方夢返金牛湖

贈苗焦冥道士

谷鳥殷勤報曉晴高流相對話平生居山事業陶弘
景咏史詩篇阮步兵鍊嶺春遲花未老金臺月落酒
同傾憐予亦是飄蓬客願脫儒冠事耦耕

旅懷十首

丁未伏日坐雨鄰樹軒偶憶舊游輒多感槩各
賦五言四韻用寫離愁

武林讀書處

小室三楹敞龍蔥萬綠深蕉牕風瑟瑟竹徑雨森森
洗耳聽寒溜忘機狎野禽紅塵吹不到四壁蘚痕侵

江邨草堂

作客何時了翩然念故園野蔬籬外遶山果澗中繁
拂石看鷗舅攜鉏斲竹孫年豐禾稻足處處碓聲喧

洗宜樓

樓對吳山起開牕面翠微孤峰煙外遠千樹雨餘肥
學字書團扇描花畫舞衣重來梁上燕應恠主人非

湖南別業

去城不數里境地却翛然樹密遮游騎荷香出畫船

城止集卷第一

山光搖碧沼橋影倒晴川時有高僧到松燈夜叩禪

澹齋

閉戶耽高臥人多問字來縱橫書插架嘯傲酒盈杯
小徑風敲竹平江雪點梅何時賦歸去同入碧山隈

城曲茆堂

古堂城曲處幽客此棲遲碧浪拖輕縠青山列遠眉
詩情過沈約畫理妙王維曾共西山訂重來未有期

蔣二菴師樟竹邨居

擬息茅菴老誰知赴玉樓研田耕處薄書債坐成囚
敗菊存荒徑垂楊映曲流傷心載酒地風月冷松丘

外舅園林

山亭一徑通泉響，雜松風壁峭，懸疎翠苔深。落小紅
厨煙，新竹杪鳥語，曲闌東。他日重相訪，空餘幾樹楓。
去秋婦翁下世此園聞已屬之他人

吳山精舍

曾記雲深處，閒行到小菴。塵心消款語，妙理恣幽探。
竹塢藏茶竈，花棚護佛龕。年年長夏候，散髮臥晴嵐。
張氏南屏山莊

幾曲湖南斫柴門，對碧溪桂香書閣靜。柳臥釣船低
網罷兒沽酒園荒自灌畦，不應游息地全似武陵迷。
旱

城北集卷第一

三

日日炎風急，塵沙裊客衣。新花枝欲萎，老樹葉全稀。
霧起疑晨雨，雲開又夕暉。朝來問米價，擬採北山薇。
避暑蒼林墨香幢

遠公能愛客，爲我獨開軒。短榻遲清夢，疎簾隔市喧。
風微禽語細，日午樹陰繁。雨後應相待，還來破蘚痕。
悲秋

高臺西挹翠，微叢極目遙。天有去鴻識，路誰憐。邊馬
病投林自笑，野猿窮煙深寒。渚蘆花白霜落晴巖柿
葉紅，故國不堪頻在眼。蓴鱸江上又秋風。

觀蟋蟀鬪

草蟲生石根，唧唧復唧唧。夜吸草頭露，朝晞穴孔日。
自息還自鳴，深藏豈不密。聲響一何高，蹤跡爲人悉。

置之益盜間愛護常恐逸飲之復餉之珍重故無匹
一朝被驅使寵將中軍秩兩壘尺寸寬觀者堵牆慄
上塲逞豪雄鼓鬚挺身出往來絕縱橫一一有紀律
兩翼風怒生震呼大加疾須臾舉敵頭血口尚咤叱
功成報主人仍向石間佚

宿西山夢湖草堂

一片蒼煙落照西空山路細客長迷樹穿亂石流泉
急寺隱懸崖古木齊白眼誰容惟綠酒青天可問覓
丹梯竹牀臥聽秋聲悄月上柴門烏夜啼

冬夜

宿鳥棲寒樹巖更警半宵青燈何黯黯明月故迢迢

城上集卷第一

四

楮被宜高臥巖松締久要濁醪誰與貰羈緒轉蕭條

獨坐隣樹軒喜蒼林見過

北風怒號摧板屋凍合冰肌起寒粟已判僵臥學袁
安誰脫綈袍憐范叔樸拙惟應長杜門悲歌不用工
擊筑鄰叟頻供菜把新山妻已報蒸梨熟蒿簾靜掩
香正清何來剝啄聲相逐開門客是世外交執手茆
檐問寒燠圍鑪對坐舊青氈爛煮薑芽供茗菽牆根
積雪青草枯尚有蕭條幾竿竹何年歸隱越江濱流
水平田有小築爲公重結一茅菴種秫緡經課兒讀
嗟哉此語非荒唐十年已老人情目菟枯總付碧翁
主飽食酣眠是清福衛霍功勛燕許文博得虛名留

簡牘回憶從前事幾端
敝裘羸馬空錄錄何似山農
盡日閒袖手深林看寒瀑

戊申元日

簾外輕風裊鵲爐一番春意
上海鬢依人底事同王粲
拜母長羞似阿奴狂態暫
憑新柏酒世情誰惜舊桃符
水邨山郭從吾好不把生涯
問紫姑

春日閒居

古巷無人噪曙鴉柴門低傍
綠陰斜試風紫燕窺簾鏤
招客青帘出樹樞硯匣筆牀
鋪石磴枳籬藤架仿山家
朝來一事差強意手植丁香
已放花

又

城北集卷第一

五

繡鞞凋鞍沸九衢幽棲自愛著
潛夫蒔花插柳爲生計賣餅吹
簫亦我徒野听風輕啼布穀
深林日暖喚提壺湘簾半捲
春陰薄醉本蘭亭信手摹

又

雨餘西崦黛初勻竹杖芒屨
趣好春山學畫圖疑沒骨波
搖鏡檻欲生鱗一林柏子容
叅法萬顆桃花許問津不信
皇都歌吹海却來此地作閒人

又

百舌枝頭弄好音紙牕油幙
晝悄悄愁從酒錄茶方遣春
向花經樹譜尋束帶羞同三
語掾解衣臥撫一絃琴天街
軟繡人如織獨傍煙蘿擁鼻
吟

期蒼林同遊郭外不異

春色已逾半百花照眼明况當微雨過難得曉風輕
曲檻初飛蝶新篁乍轉鶯芳郊何限好空復掩柴荆

又

夙有煙霞癖尋幽愛地偏正逢同調友喜是仲春天
麗景真須惜鞦韆劇可憐終當攜惠遠花外緩垂鞭
春盡同蒼林夜坐

一年春事明朝盡茗椀詩筒此夜論宿鳥不驚寒磬
歇北城深處似山邨

又

布襖青燈短竹林閉叅玉版話江鄉梨花似雪丁香

紫不負春來一度狂

飲退翁亭

霽色半林麓亭虛綠更齊清談橫白塵快飲聽黃鸝
曲水浮花細流雲抱樹低探幽足勝賞莫惜醉如泥
因尋水盡頭遂飲路側

西折岩巖上雲收未夕陽疏泉懸峭壁席地引流觴
谷靜新篁密巖深草樹香醉餘題白石墨澹不成行

金章宗手植松

澗松鬱鬱枝膠蟠濤聲湧洞鶩飛滯蒼鱗剝蝕龍蛇
動翠釵颺沓風雨寒聞是章宗手親植貫雪凌霜年
四百欲擬天台畫作圖不學康于化爲石山寺清幽

好結根拜官豈羨大夫尊
雙鶴侵晨鬪舞勢孤鸞入
夜尋巢痕
亭亭偃蓋拂煙霧
那有女蘿能託附
倥佯乘雲駕
赤虬斲得茯苓
流玉乳
嗚呼海田變
易如轉輪攢條勁
楚摧爲薪
昆明灰盡
此松在
捫呵直節疑有神
殷勤欲問紫髯叟
倚樹吟哦延竚久
芝蓋砂牀不可求
安得人生如汝壽

遊誰主亭 在西山玉迦卷側

山迴亭初闢
蒼茫攬夕霏
一尊邀月泛
四座倩峰圍
雀噪林煙薄
花濃露氣微
乘歡忘主客
盡醉莫言歸
客有責予不理生者書此解嘲

城北集卷第一

七

蕭條壁立似相如
祇有元龍氣未除
博醉且沽千日酒
消愁還讀十年書
吹簫吳市狂
仍甚挾瑟齊門計
已疎欲擬逐貧慵
作賦從判世事到華胥

宿夢湖草堂題壁

綠陰迴合映茅茨
竹几藤牀野性宜
方麴不遮塵裏日
蠻牋時寫醉中詩
泥新燕子爭營壘
雨足龍孫密偃籬 新種竹數十竿甚盛
五載西湖消息斷
惟憑清夢慰相思

又

曾葺蝸廬傍水邨 西湖南屏山下曾構別業
日長人靜掩柴門
別初未解成飄泊
想處翻勞役夢魂
失意尚憐狂不減
逢時敢道舌猶存
琴書典盡無長物
且喜牀頭剩一尊

慰蒼林病

乾坤同逆旅身外豈相干閉戶從人棄翻經送日殘
晴窗徵藥案幽夢託林巒會得尊生術情忘興自寬

觀洗象歌

京城六月看洗象宣武門西列羽仗金吾官吏走喧
闐引出崔頽狀骯髒鼓旗分隊次第行玉河橋下水
滌沆背似浮山巨浪翻鼻仍噴雪清波決鬩奴持帚
細洗湔花襴錦襠據其上是時扶桑升朝陽紅輪照
耀光相盪柳陰觀者立萬夫炎氣填胸汗流頽朝
廷典儀本常制都人好事資撫掌須臾浴罷歸象房
顧盼生輝恣俯仰有時狂奔驚路衢蹋破攤街盆與
盜販負經營貴自勤半日閒觀悔游蕩晚炊無米囊

城北集卷第二

八

橐空坐對城牆獨快快

連朝病劇秋雨不止七月八日雷電徹夜城
濠驟漲都市水深數尺

欲作秋霖賦憑誰遣病魔濃陰深潑墨急溜響懸河
咫尺蛟龍怒奔騰雷電過幼兒方墮地

時大兒元受生纔九日

漂

泊奈如何

病中聞前夕盧溝橋爲河水衝決

駭浪千層至長虹一夕傾龍壘深窟宅車馬斷行程
紀異人頻報悲秋病不輕都城億萬戶翹首望新晴

感懷

少年蹤跡半沈淪幾負黃花宴賞新節序又催林葉

墮性情偏與架書親豈緣多病羞微祿不爲辭家少
故人窮巷蕭條無剝啄一簾寒月色如銀

彌羅閣秋望

高閣依雲表乘閒得縱遊望中山色暮聽去樹聲秋
邨遠人家小巖深鳥道幽萍蹤何日定我欲問丹丘

秋夜獨坐

玉壺傳點夜初長瑟瑟西風枕簟涼砌竹聲喧敲冷
雨井梧葉重墜微霜鄉心不爲逢秋減病骨聊因縱
酒狂偃臥未成仍起坐自吟短句伴啼螿

擬山居

何年束影向山陂一逕柴桑護短籬曉起尋僧臨野

城上集卷第二

九

水夜深邀月泛花瓷柳瓢樓拂從吾好墨癖書淫任
世嗤日課澆蔬兼斲藥更無塵事得相隨

寒夜宿墨香幢

燕市悲歌者頻來蕭寺中靜憐虛室白坐對佛燈紅
天地何年老詩書不救窮閒心堪共賞高臥聽松風

又

斗室幽栖好何須更買山攤書成獨適閉戶得高閒
俛仰空懷古風塵一愴顏夜深蓮漏永天籟有無間

贈彭傲雪山人

曾聞易水多豪雋今日人誰是酒徒筆底煙雲收太
華樽前肝膽失湛盧著書閉戶閒花落着屐尋山野

鳥呼誰道相逢便相送今宵清夢繞菰蒲

至日有感

玉筒吹徹散葭灰緹室欣看暖律回冠製一陽循古俗雲書五色上高臺深宮景細初添綫故國寒輕乍放梅客袖支離緣底事晴窗呵筆賦歸來

巳酉人日

庭際春催七葉萸流澌灑灑散寒汀煖薰鵲尾添心字曉折梅花插膽瓶殘雪漸消臆影白輕風未放燒痕青棘籬茅舍塵喧遠敢恨漂流跡似萍

四時閨詞

曲檻搖金鈴東風夜來惡愁隨春花生不肯隨花落

又

妾顏如荷花妾心似蓮子鴛鴦故惱人一雙度煙水

又

堦前梧桐樹是昔別離處至今落葉聲夜夜愁風雨

又

獨宿怨夜遙錦衾殘夢短欲寄雙鯉魚冰合河流斷

春郊

出郭驚看春暮時野棠飄盡柳垂絲風塵自笑緣何事花落花開總不知

又

尋山偶爾入山家麥飯藜羹煮蕨芽盡日柴門雞犬

靜春深還放滿籬花

又

度嶺遙看碧樹齊登樓更訝白雲低何年小築山根
下臥聽溪邊好鳥啼

柳

輕裊宮腰淺鬪眉永豐園裏有新枝東風無賴花如
雪肯許鄰家蛺蝶知

過功德廢寺

馳道森森翠柏垂過門驚見長茆茨後倪石冷眠荒
草蚪蚪文多沒古碑御輦不來空殿圮

明宣宗屢
經游幸

木毬

無主夜猿悲

傳寺僧以木毬爲
使令今園木尚存

前畦秔稻還千頃不救山

僧此日飢

城北集卷第一

十一

米太僕勺園遺址

藤梢滿徑草如苔一片寒煙入望哀怪石參差當路
立野花寂寞傍春開輕歌似逐啼鶯起好事無誰載
酒來下馬試尋文燕地居人指點舊亭臺

咏史

周綱昔全盛且與相比肩共和踵遺風寥寥二百年
爭端起號鄭禍與列國連欒趙不相下華蕩逞戈鋌
下至崔慶輩殲僂不足憐一圜鬪兩虎爪背誰獨全
所以藺相如至今道其賢

又

晁公死東市袁生斃梁賊鄧侯方纍囚鍾會旋陷辟
人謀詎不工天道如轉輒辟彼枝上螳縱斧擊蟻翼
豈知黃雀來反以螳爲食入甕計誠深自試悔何益
不見海邊翁機忘與鷗適

與蒼林對雨遂清堂分韻

蕭齋鄰古寺吟眺興多豪雨密重林暗雲深半閣高
探奇聊共賞選勝不辭勞宴坐忘塵事茲辰未易遭

又

綠陰濃覆地永日好垂簾徑僻花全放庭空鳥不嫌
交深忘主客道在失涼炎預喜新晴後林間積翠添

過寒濤閣主人不遇

城北集卷第一

三

松陰謾謾午風涼散髮同君憩古堂星斗夜橫看不
厭茶瓜晝永話偏長到來櫻拂懸空壁坐久槐花落
滿牀茗火一爐齋鼓徹狂吟詩句悵斜陽

城北集卷第一終

